



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Microsynodus Treverina

Mosham, Ruprecht von

[Solingen], 1540

**VD16 M 6437**

Rueprecht von Mosham Doctorr Tumbtechent zw Passaw etc. wunscht  
de[m] Christlichen gotseligen leser genad fridt vnd erkhanntnus vonn Got  
durch Christum vnsern herren vnnd hayland Amen.

**urn:nbn:de:hbz:466:1-36773**

## Kueprecht vom Mosham Doctore

Tumbrecht zw Passaw etc. wunscht de Chri-  
stlichen gotseligen Leser genad fridt vnd  
erkhannemus vom Got durch  
Christum vnsern herren  
vnd haylandt  
Amen.

**C**hristlicher Gotliebender Leser/ der heilig Hie-  
ronymus spricht, *Parua contemnenda non sunt si-  
ne quibus magna constare non possunt*: Klein ding  
soll man nicht verachten vnd vernachlassen  
Die weil om klaines nichts gross sein/ noch erhalten  
werden moge/ dan man mues ab uno *et* paruo von einem  
vnd klainem an fahen wo man zw grossen sachen klu-  
men wil: Also mues man auch in der religion vnd glau-  
bens sachen dy schrecklichen mißbreuch der leer vnd  
des leben/ in der Römischen vñ Lutherischen Kirchen/  
abthuen vnd *ex te eius xpi te pinguē*, ab uno *et* paruo, von  
ainem vnd klainem an fahē zereformirn vnd dy christ-  
lich Kirchen wider zebringen vnd zeresituirn. Der hal-  
ben hab ich erfunden vnd in meiner leer eingefuert  
*Quo pacto Microcosmus debeat celebrare Microsynodum*. Nemb-  
lich wie ain yedlicher ainiger sunder particular mensch  
als ain ainige klaine wellt/ ain klaine Kirchen vñ prant  
Christi/ vnd ain klainer sunder tempel gottes/ ain sin-  
ders klains particular Concilij außserhalb des gemai-  
nen general grossen nechstkunfftigen Concili fur sich  
selbst/ celebriern vnd halten sol vnd mog/ Dan wie der  
microcosmus ain ainiger yeder mensch sich gegē got hal-  
ten vnd erzaigen solt. also sall auch der Megacosmus das  
ist dy gross vnd ganz welt/ dy ganz christlich Kirchen  
A iij

## MICROSYNODVS

Vnd gemein gottes / sich gegen got als gegen iren herren vnd schopffer / halten vnd erzaigen : dan wir sein in Christo al ein mensch / vnd ist kein vnterscheid der person bey got / wie dy geschriffte klairlich zeuget. Die weil aber nun aus der geschriffte gar leichlich zufindē vnd zuerfaren ist / wie ain ainger vnd yedlicher chrisglaubiger mensch in der religion vñ glaubens sachen / reformirt vnd restituir̄t / got vnd seinem heyligen wort glauben vnd ein puerfertigs lebē fueren / vnd ain klaines particular Concili mit sich selbst / halten vnd beschliessen sol vnd mag / So volgt ye. das auch aus dem wort gottes vnd der geschriffte gar leichlich zufinden vnd zuergrunden ist / wo wier anderst glauben vnd gehorsam sein wolte / wie dy ganz Chrißlich kirchen soll vnd mog reformirt vnd restituir̄t werden / vñ wie man von den Microsynodis von den klainen particular Conciliem / zu dem Megafynodo / zu dem grossen gemeinem general freyen Chrißlichen Concili / darumb dy ganz Christenheit / vñ doch sunderlich dy Teutsch Nation / nunm vber dy zweingig iar her so hefftig / seuffzet / bittet schreyet vnd anbelt. thomen mogen.

Derhalben lieber leser / hab ich nach meinē abschid vñ hinweckziehen / vñ Passaw mit der stat Turnberg vnd iren predicanten / als in namen vnd von wegen aller Lutherischen / mit inē auch ainē Microsynodum ain klains particular Concili celebriert vnd gehalten / wie man dann dasselb ab got will kurzlich in lateinischer vnd teuscher sprach zwifach vnd auff zweyerlay manung sehen wirdet / damit man aus demselben Turnbergischen Lutherischen Microsynodo / vnd aus der ainigen stat Turnberg / sehen vnd abnemmen mag / wie

TREVERINA.

alle Lutherischen in gemein vnd ein yeder in sonder-  
 hait ainen Microsynodum mit sich selbst / vnd in gemein  
 halten vnd beschliessen solle vnd mög / vnd solches al-  
 les / gleich als zu ainer zuheraytung des gemainen  
 general christliche Concili / darau ff sich gedachte Lu-  
 therischen so hoch berneffen.

Nachfolgendes hab ich mit dem Hochwürdigste  
 Durchleuchtigsten Fürstenn vnd herren Herren Al-  
 brechten Erzbischove vñ Cardinal zu Mayntz / Chur-  
 fürstenn etc. meinem genedigsten herren gleich als mit  
 dem Seathalter des Papstums im Teutcher Nati-  
 on / auch ainem Microsynodum auff obermelte mainung  
 celebriert vnd gehalten / wie dan der selb Mayntzisch  
 Microsynodus / got sey lob / bis her schon in truck thomen  
 vnd ausgegangen.

Nach solchem allem (diweilich bey hochemelte  
 meinem genedichsten herren von Mayntz mein leere  
 an des tags liecht zebringen thainem platz gefunden /  
 bin ich des negsten zu dem Hochwürdigsten Fürstenn  
 meinem genedichsten herren von Trier veruckt / vñ  
 ir Churfürstlichen gnaden warumb ich von Passaw  
 gezogen / vnd was ich zu Turnberg vnd bey meinem  
 genedichsten herren von Mayntz gehandelt vnd ge-  
 wurckt / fürgebraeht vnd in geschuffte vberantwer-  
 Nemlich was massen man das Papstumb vnd  
 Luthertumb in erkantnus irer grossen faal vnd mis-  
 breuch fueren sol vnd muesse / vnd hab also mit irent  
 Churfürstlichen gnaden auch aine Microsynodum bis an  
 den vierten tag gehalten / mit fürbringung der Turn-  
 bergischen vñ Mayntzischen gehalten Microsynodis / sambe  
 ainer Epistell / welche ich der Romischerr Runtli-

## MICROSYNODVS

cher Maieſtat / vor meine hinwegziehen / aus Turin  
berg vberſchickte.

Dieweil ich aber auff daffelbmal der obermelten ge-  
ſchufften iren Churfürſtlichen genaden vberantwort  
nicht mündtete Copei beyhendig het / vnd willens vñ  
entſchloſſen war mit diſer groſſwichtigem handlung  
auch dem hochwürdigſten Fürſten vnd herren herren  
Herman Erzbischove zu Coln / vnd Churfürſten etc.  
meinem Jar genedichſten herren zuerſuechen. So hab  
ich derhalben hochermelten Erzbischove vnd Chur-  
fürſten von Trier / mir dy obangezeigten geſchufften  
widerumb zu meinen handen zeſtellen vñthertenig-  
klich angelange vnd auff mein anſuechen erlangt vñ  
erhalten / mit dem daran gehefften meinem erpieten /  
ich welle iren Churfürſtlichen genaden / dy gedachten  
geſchufften rain recht vnd correct abſchreiben laſſen /  
vñd widerumb zu ierer Churfürſtlichen genaden han-  
den zuſchickhen / welches ich dan nachuolgendes ge-  
trenlich gelaiſtet vnd volzogen / vnd iren Churfürſtli-  
chen genaden dy ermelten vñd erzelten geſchufften  
ſambt der Epiftel De publico & priuato Somno Chriſti in Eccle-  
ſia abigendo Et paſtoribus excitandis / ſambt auch ainem an-  
dern Klainen ſendebrief / wie hernachnolgt bey ainem  
poten von hie aus vberſendet. Bit hierauff / den Chriſt-  
lichen gotfortigen leſer / welle ſolches alles im beſſten  
vermerckhen ſich darob nicht ergerm ſonder beſſerm /  
vnd beyſich ſelbſt auch eylundes vnd on verzug ainet  
rechten Chriſtlichen Microſynodum mit hertz / mund vñ  
that / durch das ainig gotlich drifaltig wort welches  
Chriſtus vnſer herr vñd hayland iſt / durch ainem rech-  
ten gotlichen glauben halten beſchlieſſen vñ volziehen

TREVERINA.

Damit ain yeder in son̄hait vnd meniglich in gemain/  
 (so dieses mein redlich vñ ernstlich fürnemen thuen vñ  
 leer/ hören vñ vernemen/ ) Got den almechtigen desto  
 würcklicher vñ krefftiger mögen bitten helffen/ damit  
 Got der almechtig die hohen herten vñ heupter von  
 disem verderblichen jamerlichen vnglaubens vñ todtē  
 schlaff wöll aufferwecken/ das sie das wort des herren  
 welches Christus ist/ nicht allain haymlich in iren her  
 zen glauben vñ erkennē/ Sonder auch offentlich vor  
 Got vñ den menschen bekennē/ damit sie zu ainem rech  
 ten warhafftigen würcklichen Megafynodo vñ glauben  
 komen/ vnd des schrecklichen vnglaubens fluech/ Jo  
 han. am xij. geschriben/ abtomen mogen/ welcher zeu  
 get/ fluecht vñ spricht: Verunt amen etiam multi ex principibus  
 crediderūt in eum, sed propter Pharisæos nō confitebant, ne e syna  
 goga eijcerentur. Dilexerunt enim gloriā hominū magis q̄ gloriā  
 dei. Doch der obersten glaubten vil in ir/ aber vmb der  
 phariseer willen bekanten sie es nit/ das sie nit auß der  
 Synagog vñ gemainer versamlung außgeschlossenn  
 würden/ dan sie hatten lieber den preys by den mensche  
 dan by Got. Vnd auch wie Christus selbs zeuget Jo  
 hannis v. alda er als der meyster aller warheit vñnd  
 erforscher aller menschen herten selbs spricht vnd fra  
 get: Quomodo potestis uos credere, qui gloriā a uobis inuicem ac  
 cipitis, et gloriā quæ a solo deo proficiscitur, non queritis? Wie  
 mogendt ir glauben/ die ir den preys von einander ne  
 met/ vñ dē preys der von got allein ist/ suchēt ir nit vñ  
 an der selbē stell zeuget Christus abermal vnd spricht:  
 Gloriā ab hominibus non accipio, sed cognoui uos quod dilectionē  
 dei nō habetis in uobis. Ego ueni in nomine patris mei, nec recepistis  
 me: Si alius uenerit in nomine suo, illum recipietis. Ich nimb

B

## MICROSYNODVS

nicht den preis von dem menschem/ Aber ich kenne  
euch das jr nit gottes lieb in euch habt/ Ich bin k<sup>o</sup>men  
in meinesvatters namē/ vnd jr nemet mich nicht  
an/ So ein ander wirt in seinem aigen namen k<sup>o</sup>men/  
den werdend jr annemen. Christus unus est, sicut uerbum unū  
est, fides una est: Antichristus alius diuersus & contrarius est, qui ue  
nit in nomine suo, hunc recipimus, & pro Christo in ecclesia in loco  
sancto sedentem adoramus. Dā Christus zeuget selbst wider  
seinen feindt den Antichrist/ vnd spricht: Qui non est me  
cum, contra me est: Et qui non colligit mecum, dispergit/ wer nicht  
für mich ist/ der ist wider mich/ vnd wer nicht mit mir  
samblet/ der zerstreuet/ Got der almechtig helffnns  
von disem schrecklichem verderblichem iamer des  
unglaubens des rechtē geist des Antichrists/ welcher  
ist ain got aller finsterniß vnd blindheit diser welt/  
durch des gotlich liecht der warheit in seinē heiligen  
wort/ durch Chrustum vnsern Herren vnd heylandt/  
Amen. Datum Coln am Rhyn den VI. Maij. Anno  
MDXL.